

Zeitschrift: Bündner Schulblatt = Bollettino scolastico grigione = Fegl scolastic grischun
Herausgeber: Lehrpersonen Graubünden
Band: 71 (2009)
Heft: 4: Neuanfang und Start

Rubrik: Pagina Rumantscha

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 31.03.2026

ETH-Bibliothek Zürich, E-Periodica, <https://www.e-periodica.ch>

In'emprova d'entscheiver

Viers la fin fendaur ni sil pli tard l'entschatta d'uost schabegia onn per onn remarcabel el cantun Grischun.

DAVID FLEPP, PRESIDENT CONFERENZA GENERALA ROMONTSCHA SURSILVANA

Las casas da scola ch'ein schischidas tochen lu en lur beinmeritada sien da stad vegnan leventadas a nova veta entras il cunfar dils magisters che preparan il niev onn da scola. E buca mo ils magisters giuvens, na era ils meins giuvens han mintgaton in puls in tec pli ault patertgond vid l'entschatta da scola. Las casas ed ils vitgs sempleinan era puspei cun veta giuvenila che para da vuler guder ils davos muments dallas vacanzas da stad. Denton era tier ils scolarets ni scholars pli gronds crescha la febra dall'entschatta – sil pli tard la dumengia sera avon gl'emprem di dil niev onn da scola.

Entscheiver enzatgei niev para pia buc dad esser aschi sempel. Quei aveva gia igl epicher roman Ovid, che ha viviu naven da 43 avon tochen 17 suenter Cristus, constatau e formulau en la locuziun forsa la pli enconuschenta davart igl entscheiver: «Mintga entschatta ei greva.» Cun quella constataziun formulada ha

el buc revoluziunau il mund. Silmeins ord nossa optica ei quella diltuttafatg normala ed ella po vegnir documentada cun bia agens exempels. Aschia ei forsa il pli empren di sco scolar als ins aunc en memoria, cun tut ils sentiments che quel ha evocau. Ad auters ei forsa il pli empren di dad ina piazza egl jester ni forsa si d'alp en regurdientscha. Tgusch seregorda beinenqualin dil pli empren di al seminari scolastic d'antruras ni forsa ad ina scola media. Auters patratgan forsa vid il di da nozzas ni vid la naschientscha digl empren affon. Per ils biars vegn il pli empren di sco magister ad esser restaus en memoria. E quella gliesta pudess vegnir extendida da mintgina e mintgin cun regurdientschas persunalas, nua ch'ina entschatta ei vegnida dada. Pli fetg che la locuziun dad Ovid ein pia las atgnas experientschas fatgas il meglier indezi che ina nova entschatta ei buc adina semplia. Aschia ei quei sentiment malguess da malsegirtad avon ch'ins fa ina nova entschatta guess a

biars enconuschents; quel accumpogna ins duront ils emprems pass e po schizun aunc temps suenter fatschentar ins en fuorma da dubis schebein ins hagi propi dumignau quell'entschatta.

Insuma para igl entscheiver dad haver fatschentau scribents, poets, filosofs ni oraturs adina puspei fetg. Quei pon ins en scadincass concluder sch'ins enquera ella reit mundiala digl internet suenter il cavazzin «entschatta». La sorpresa resta denton en rama, sch'ins auda il plaid da Sogn Francestg d'Assisi, dil fundatur digl uorden dils franciscans, che ha viviu da 1182 entochen 1226, che di: «Mintga di stuein nus entscheiver danovamein.»

El context actual dall'entschatta dil niev onn da scola sutlingescha il suadont aforissem l'impurtonza ch'igl «entscheiver bein enzatgei» ha. «Bain cumenzà è mez gudagnà.» El ei dalla plema dil satiricher e poet roman Horaz, che ha viviu da 65 tochen 8 avon Cristus. Tenor ses plaids ha l'entschatta pia ina funcziun centrala. Numnadamein dad esser aschi buna che la basa ei messa per ina cuntinuaziun en success.

E ch'ei para propi dad esser central dad haver ina buna entschatta muossa in aforissem dil grond filosof grec Aristoteles. El selai numnadamein citar sco suonda: «L'entschatta ei la mesadad digl entir!» El va pia aunc pli lunsch en sias pretensiuns. Tenor el ei igl haver ina buna entschatta ina buna part dil success.

Ina buna entschatta el niev onn da scola giavischia

